

# Regorta isseberada de s'algia



Sa politzia munitzipale faghet ischière a sa populatzione ca, a pustis de una sennalatzione chi at fatu sa sienda incarrigada de su servìtziu de regorta isseberada, faghende sa regorta de s'ùmidu, s'est bidu su cunferimentu de is refudos in sachitas non "compostàbiles".

Sigomente su cunferimentu de is refudos fatu aici s'impianu de cumpostàgiu non dd'atzetat, faghende artziare finas su prètziu de agabbu de su servìtziu pro totu is tzitadinos, si faghet ischière ca ònnia cunferimentu fatu sena impreare sa sachitedda fata a posta o is sachiteddas "Biodegradàbiles" (est a nàrrere sachiteddas de s'ispesa compostàbiles), su servìtziu de regorta isseberada non nde dd'at a pigare e dd'at a cunsiderare "cunferimentu non cunforme" a s'atu de su cuntrollu de su servìtziu de politzia locale.

*Novas Baressesas* at a essire prus o mancu una borta a su mese e s'at pòdere retzire inderetura in domo, cun una e-mail: bastat a ddu pedire mandende una punta de billetu eletrònicu a s'indiritzu

[serviziocultura@comune.baressa.or.it](mailto:serviziocultura@comune.baressa.or.it)

iscriende su nùmene, su sambenadu e "bollo retzire *Novas baressesas*". In prus, s'at pòdere lèghere puru in sa bacheca comunale o agatare in medas atividades cummertziales de sa bidda o in sa biblioteca comunale



**Comunu de Baressa**  
Provintzia de Aristanis

*l'altra cultura*  
Società Cooperativa

**Sa redatzione de *Novas Baressesas* est contivigiada dae su Servìtziu linguìsticu sardu sighidu dae sa Sotz. Coop « L'Altra Cultura » e dae s'Assessoradu a sa Cultura de su Comunu de Baressa.**

*S'isportellu linguìsticu est a disponimentu de tzitadinos, maistros de iscola, professores e istudentes pro cale si siat informatzione, fundamentu, duda e curiosidade subra sa limba sarda, pro consulèntzias didàticas e pro cossigios chi pertocant is règulas de iscritura de su sardu.*

**Su Servìtziu est abertu:**

DIE	ORÀRIU
Ònnia martis	08.00 – 12.30 12.10 – 17.00 A chida a chida



**Comunu de Baressa**  
Provintzia de Aristanis

## ***Novas Baressesas***

☎ 0783-930049 Fax 0783-930118  
e-mail: [info@comune.baressa.or.it](mailto:info@comune.baressa.or.it)

Fògiu periòdicu de informatzione istituzionale de su Comunu de Baressa

**Responsabilidade e proprietade de su Comunu de Baressa (or)**

**Annu IV, n. 2**

Agabbadu su 22 de argiolas 2014

## Die a s'acuàriu de Cala Gonone

Su s'indigu faghet ischière ca s'Amministrazione, cun s'aggiudu de s'Ufitziu de is Servìtzios Sotziales, est



aparitzende una Die de agregu sotziale cun bìsita de s'acuàriu de Cala Gonone.

S'idea pro custa die de isprèviu est sa chi sighit:

- Die: 20, 21, 27 o 28 de Cabudanni 2014, segundu de su nùmeru de is partetzipantes e a sa disponibilidade de s'Assòtziu chi sighit su servìtziu de bìsitas ghiadas a s'acuàriu. Su servìtziu s'at pòdere non fàghere chi non si arribat a su nùmeru de iscritos chi serbit.

- Mezu de trasportu: corriera pro s'andada e sa torrada e prètziu de su servìtziu a càrrigu de s'Amministrazione comunale;

- Edade de is partetzipantes: dae 18 annos fatos a 55 annos;

- Pràngiu "pic nic": ònniunu pensat a su suo;

- Bìsita ghiada a s'acuàriu de Cala Gonone: prètziu a càrrigu de is partetzipantes, chi ant a pònnere sa cuota intrea a su Comune de Baressa, chi, una borta chi at pigados acordos cun sa sienda chi sighit is bìsitas ghiadas, at a pagare totu a unu is cuotas dadas de is partetzipantes. Sa cuota pro pessone est de €12,00. Si si arribat a 20 adesiones, su prètziu at a èssere de € 9,50 e s'at a tènnere deretu a una cuota a indonu chi s'at a partzire a intro de totu is partetzipantes.



Is adesiones ant a dèpere arribare a s'ufìtziu protocollu a intro de mèrcuris 13 de austu 2014 a is 14.00.

Una borta iscadidu su tèrmine pro pigare is adesiones, s'Ufitziu de is Servìtzios Sotziales at a pedire de donare sa cuota pro sa bìsita ghiada e sa cuota narada prima s'at a dèpere dare a su Comune de Baressa fintzas si non si andat prus.



### **FESTA DE SA MÈNDULA**

*Sa de bintitres  
annadas*

**sàbudu 13 e  
domìnicu 14 de  
cabudanni 2014**

Si avisant a totu is esposidores e a chi iat a bòllere pònnere in ammostru is traballos de artesanadu suos in sa festa de sa mèndula 2014 ca, **a intro de lunis 8 de cabudanni**, si depent torrare is mòdulos de dimanda a su Comune o portende.ddos a manu a s'Ufitziu protocollo o mandende una mail a [info@comune.baressa.or.it](mailto:info@comune.baressa.or.it) o [protocollo@pec.comune.baressa.or.it](mailto:protocollo@pec.comune.baressa.or.it).